

A Emile Zola

Jules Mousseron

T'es v'nu su m' sol natal, t'as desquindu dins l' fosse,
Dins l' foss' même où j'ouvros, chétif hiercheux d' quinze ans...
T'es v'nu dins l' Nord luron, dins l' Nord, puissant colosse,
Dins l' Nord, modèl' d'ardeur, modèl' des coeurs vaillants !
Pour écri' Germinal, t'as desquindu dins l' Mine,
Dins les intrall's du sol t'as vu mes compagnons
Qui chuinott' in queur, in s'épautrant l'échine
Sous les rocs raboteux, pou saquer du carbon, -
L' carbon pour el foyer du riche et du minape,
L' carbon pou l' Industrie et ses progrès noviaux
Qui s'artourn'nt bin souvint su l' dos du pauver' diape
Malgré qué, pou c' carbon, il a souffert mill' maux !